

Oqaluuserisassanut nassuiaat.

(Inatsisartut Siulittaasuat)

Anthon Frederiksenimit, Partii Naleraq, apeqquteqaat aallaavigalugu oqallinnissamik siunnersuutit marluk oqaluuserisassanut ilanngunneqarnissaat Siulittaasoqarfiup akueraa.

Siunnersuutit qulequtaraat:

Imm. 75: Immikkut ittumik suliniutit meeqqanik inuusuttuaqqanillu sumiginnaasarnerup annikillisarnissaanut pingaartumillu angajoqqaatut akisussaaffimmik erseqqissaanissamut tunngasut ingerlanneqarsinnaanerart pillugu apeqquteqaat aallaavigalugu Inatsisartut oqallinnissaannik siunnersuut, aamma

Imm. 89: Meeqqat angerlasimaffiup avataanut inissinneqartartut pillugit angajoqqaanut paaseqatigiiffiunerusumik suleqateqarnissamik, ersarinnerusunillu piumasqaasiortoqartalernissaannik Naalakkersuisut suliniuteqaqqunissaat pillugu apeqquteqaat aallaavigalugu Inatsisartut oqallinnissaannik siunnersuut. Taamaaliornikkut angerlarsimaffiup qimagutsitaaffiusup nakkutigineqarluni, angajoqqaallu qaninnerusumik suleqatigalugit, angajoqqaanik siunnersuineq, katsorsaaneq allanillu angerlarsimaffiup pitsanngoriaateqarfiusumik meeqqanut angalarsimaffimmiit qimagutsitaasimasunut piaarnerusumik angerlartitseqqinnissaq anguneqarsinnaaqqullugu.

Immikkoortut ulloq 17. oktober oqaluuserineqassapput.

Sila pissutigalugu Inuussutissarsiornermut, Suliffeqarnermut, Niuernermit Nunanullu allanut Naalakkersuisoq ullumimut apuussinnaasimanngilaq, taamaattumillu oqaluuserisassani immikkoortoq 14: 2016-imi Nunanut allanut tunngasutigut naalakkersuinikkut ingerlatsineq pillugu nassuiaat ulluni oqaluuserineqassanani. Nutaamik oqaluuserineqarfissaa kingusinnerusukkut nalunaarutigineqarumaarpoq.

Ilaasortat uku akornganni taasisarnerit pillugit isumaqatigiissuteqartoqarpoq:

Aqqaluaq B. Egede, Inuit Ataqatigiit aamma Vivian Motzfeldt, Siumut

Múte B. Egede, Inuit Ataqatigiit aamma Lars-Emil Johansen, Siumut

Sara Olsvig, Inuit Ataqatigiit aamma Jess Svane, Siumut

Kalístat Lund, Inuit Ataqatigiit aamma Karl-Kristian Kruse, Siumut

Mimi Karlsen, Inuit Ataqatigiit aamma Tillie Martinussen, Demokraatit